



KULLUM OUMMU VUÖIGGÄDVUÖÐ DA ÖÖLGTÖÖZZ

Pä'rtt-tu'tk̄keemkōōskōōzz tuejjeem tu'tk̄kummuž mie'rren lij staanvuōđ pue'rummuš. Tu'tk̄kummuž ij öölg tuejjeed vuōiggädvuōđlaž va'sttōōzz oocma.

Staanvuōtt-tu'tk̄keemlää'jj (525/2011) vuāđald tu'tk̄kummšest vuei'tet kuullād pää'rt le'be vaarrpäi'k̄ vue'ssbie'lid, ä'sštobddjid da jeärrsid, keäin vuei'tet viggmest vuāžžad taarbšum teāđaid.

Kullum oummust vuāžž lee'd mie'ldd veä'k̄kteei le'be ä'sšoomaž. Päärna le'be jeärraz väänvääldlaž oummu kuullmen fe'rttai ä'ldd lee'd suu peāmmai, ouddōsk̄iōčči le'be jee'res läagglaž e'tk̄keei. Veä'k̄kteei ij vuāžž va'stteed kullum oummu beä'lest, pe'ce son vuäitt pu'htted ou'dde tä'rkk̄en ää'nmes aa'sšid.

Kuullmōōžžâst ää'net takainalla lää'dd le'be ruōcc k̄iōl, leša kullum oummu tuäivmōōžžâst tōn vuei'tet tuejjeed še jee'res, su'nne pue'rmōsân suāppi k̄iō'le. Taarb mie'ldd kuullmō'sše ha'ŋk̄ket tuulk.

Kuullmōōžž jiontet. Kuullmōōžž ruākk lie peitast ää'nmemnalla, leša teāđaid vuei'tet keerjeed öölmâs tu'tk̄keemčiōlgtummša.

Kullum oummu tuäivat mainstem aa'sšid tuōđ mie'ldd da veärnai.

Pä'rtt-tu'tk̄keemkōōskōs vuäitt u'vdded kuullâmteāđaid ouddtu'tk̄keem- le'be suu'ddi ve'rğğnekka tä'l̄k̄ vue'jjest, ko'st oummu kää'ddet lo'sses, maksimist oo'ccmōssân kuōi't ee'jj vanggvuōđin ranstemnalla äärrai reä'k̄kōōžžâst. Kuuitäg jos teāđ lie kōskksaž paai'ki vuāžžum oummust, kää'tt lij ouddtu'tk̄kummšest le'be vuōiggâsjää'ttmest tuōđstee'jen ää'nteei le'be vuōiggōttum keälldōōttâd tuōđšte'mmen seamma ää'sšest, teāđaid uu'det tä'l̄k̄ kullum oummu miästtmōōžžin.

Kullum oummust lij vuōiggädvuōtt vuāžžad toolkvaž ko'rvvōōzz taarblaž mä'tk̄k- da jie'llemkuulin di kuullmōōžž tuejitem teägglaž mööntōōžžâst.